



UKA 2018/81 aamma 49, 140

16. oktober 2018

Bentiaraq Ottosen

Immikkoortortamut arlaannaannulluunniit naammattumik attuumassuteqanngitsumut whistleblowerit pillugit misissuineq nooqullugu Naalakkersuisut peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Tillie Martinussen, Suleqatigiissitsisut)

Peqquserluuteqartarnerup akiorniarnernani suliniutit qanoq nukittorsarneqarsinnaanerit pillugu UKA 2019-mi nassuiaammik innersuussutitalimmik agguasseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut. Nassuiaammi aamma allaasereqquneqarput iluaqutissat ajoqutillu aamma aningaasatigut kingunissat inatsisitigullu tunngavissat, arlaannaannulluunniit attuumassuteqanngitsumik Peqquserlutsaaliuisussanik pilersitsisoqassasuuppat taamatullu aamma peqquserlutsaaliuisussat pillugit inatsisiliortoqassasuuppat, peqquserluuteqartarnerup akiornernani suliniutinik katersiviusussamik.

(Inatsisartunut ilaasortaq Steen Lyng, Demokratit)

Namminersorlutik Oqartussat ingerlatseqatigiiffiini whistleblowerit pillugit aaqquissuussinermik eqqusseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Steen Lyng, Demokratit)

Peqquserluuteqartarnermut tunngatillugu sukaterisoqaqqinnissaa Atassummiit tapersorsorparput, pingaaruteqaqimmammi inuiaqatigiinni kiffartuusinermi pingaarnertut arlaanaatigulluunniit peqquserluttoqartillugu qisuariartarnissaq.

Atassut pingaartilluinnarpaa Inuk qitiutillugu ineriartortinnissaa, tamakkiisumik agguluttumiingitsoq. Kiffaanngissuseqarpugut tamatta pisinnaatitaaffitsinnik aggulunneqanngitsumik, mianerisassalli amerlaqaat.

Namminersorlutik Oqartussat akornanni whistleblower-i atuutsinneqarnera nuannaarutigaarput, kisiannili sillimaffigeqqarput arlaanaataluunniit peqquserluttuliorsimasutut pasineqartup piaarnerpaamik eqqortumik peqquserluuteqarsimanersoq misissorneqarnissaa, tamannami intern revision-ip arlaanaatigut misilittaaffigisinnaagaa isumaqarpugut.

Sulianut tunngatillugu iliuseqartarnissat pingaaruteqaqaat, ullumikkummi kinaassutsimik uppernarsaatitaqarnani unnerluusisoqarsinnaavoq whistlebloweritut. Taamaattumik suliat amerlatsinnginnissaat aallaavigalugu annertusaaqqinnissat suliassaqarfimmi uani pingaaruteqartorujussuupput.



Peqquserluttarnermut avatangiiserisat isertugaataalluarnissaat qularnaarneqartariaqarpoq, pisussaaffigaarpummi toqqissisimasumik sunniiniarpalaangitsumik avammut kiinnernissarput.

Atassummiit pingaartilluinnarparput tamanna suleriuserineqartartut pitsaanerpaamik inissisimanissaat, tamannalu ineriartortikkiartuaarnissaat pingaaruteqaqaat.

Attaveqaatitigut pitsaanerulersitsiniarluni siunnersuuteqarneq isumaqatiginarpoq, uanimi ajornartorsiutaasut eqqarsaatiginngikkaluarlugit kisianni ataqatigiissarneqarluarnissaa pingaaruteqaqaq. Aqqutissiuiarneq kinguneqartarpoq inuiaqatigiinni alloriarnermik.

Ukiuni kingullerni nunatsinni peqquserluttarnermut misissueqqissaarnerit ingerlanneqartarput, soorlu Inatsisartuni kukkunersiuinermut ataatsimiisitaliaqartoq aamma kukkunersiuinermut tunngasunik naalagaaffimmiit akuerisaasunik kukkunersuiisoqarnerput atuutereersoq Atassummiit ersarsissarparput. Taamaammatt maani arlaanaatigulluuniit naalagaaffimmut attuumassuteqanngitsunik peqareerpugut.

Taamaatut oqaaseqareerluta, siunnersuutigineqartut ataatsimiititaliamut susassaqartumut aappassaaneerneqannginnerini innersuuppagut.